

Տարեկան գինը 10 ռուբլի, կէս տարւանը 6 ռուբլի,
Առանձին համարները 5 կոպէկով:

Թիֆլիսում գրւում են միմայն Խմբագրատան մէջ:

(*) Խմբագրատանը գրւում են ուղղակի
Тифлис. Редакция „Мусака“

Խմբագրատանը բաց է առաւօտեան 10—2 ժամ
(Բացի կիրակի և սուրբերից)

Հայտարարութիւն ընդունվում է ամեն լեզուով:

Հայտարարութիւնների համար վճարում են
իրաքանչիւր բառին 2 կոպէկ:

ՄԵԼԿ

ԲՈՎԱՆԳԱՎՈՒԹԻՒՆ

Նոր ընկերութեան ժողովը.— Ներքին տե-
սութիւն: Գիւղատնտեսական նկատողութիւն-
ներ: Նամակ Շուշուց: Ներքին լուրեր:—Արտա-
քին տեսութիւն: Գարտմանի գործը:—Յայ-
տարարութիւններ:— Բանասիրական: Խննքի:

ՆՈՐ ԸՆԿԵՐՈՒԹԵԱՆ ԺՈՂՈՎ

II

Մենք ասացինք մեր անցեալ
յոդուածում որ մարտի 9-ին կա-
յացած ժողովի մէջ մի բանի ըն-
տրված պաշտօնական անձինք թէ
ընկերութեան վարչութեան և թէ
խմբագրական մասնաժողովի մէջ,
բոլորովին անյարմար են իրանց
յանձն առած պաշտօնի համար:

Մեզանում շատերը մինչև այժմ
այն համոզմունքի են որ մի պաշ-
տօնի մէջ ընտրվելը պատու է

հարց է, նրանք չեն մտածում որ
մարդը ընտրվում է ոչ թէ պա-
տու և փառքի համար, այլ գործ
կատարելու համար:

Ահա մի օրինակ: Ընդհանուր
ժողովի մեծամասնութիւնը, որ
բաղկացած էր վաճառականներից,
ճանաչելով Պօղոս Վամբարեանին
որպէս Թիֆլիսի առևտրական
բանկի կառավարչին, ունեւոր նրա
հետ առևտրական և ֆինանսա-
կան յարաբերութիւններ, առանց
մտածելու՝ կարող է նա ար-
դեօք խմբագրական մասնաժողովի
մէջ մասնակցել, ընտրեց նրան ձայ-
ների բազմութեամբ խմբագրական
մասնաժողովի անդամ: Նախագա-
հը չը բացատրեց թէ ինչ յատ-
կութիւններ պէտք է ունենայ այն
անձը որ բուհարկվում է խմբա-
գրական մասնաժողովի մէջ, իսկ
ժողովի մեծամասնութիւնը, որ

ներկայանալով գրականական ըն-
կերութեան նստին, շարունակում
էր խօսել շաքարի գնի և փողի
կուրսերի մասին, ի հարկէ հաւա-
տացած էր, որ եթէ Վամբա-
րեանը յայտնի մարդ է և բանկի
լաւ կառավարիչ է, ուրեմն կարող
է և խմբագրական մասնաժողովի
անդամ լինել: Բայց մեզ զարմաց-
նում է որ ինքն Վամբարեանը
յանձն առաւ այդ տեսակ պաշ-
տօն և այնքան համեստութիւն
չունեցաւ, որ հրաժարվէր այդ
պաշտօնից: Մենք կրկնում ենք.
Վամբարեանը կարող է բանկի
ընդունակ կառավարիչ լինել, կա-
րող է Սօսիլայի համալսարանի
գիտնական մագիստրոս լինել, կա-
րող է կառավարչական յատկու-
թիւններ ունենալ և ընտրված
լինել ընկերութեան վարչութեան
մէջ,—բայց ի՞նչ գործ կարող է

կատարել խմբագրական մասնա-
ժողովի մէջ մի մարդ, որ ոչ
մանկավարժ է, ոչ հայերէն գիտէ,
որ ոչ թէ միայն իր կեանքի մէջ մի
տող չէ գրել հայերէն լեզուով և
յայտնի չէ մայրենի գրականու-
թեան մէջ, բայց և իր հասարա-
կական գործունէութեան ամբողջ
ընթացքի ժամանակ արհամար-
հանքով էր վերաբերվում դէպի
ժամանակակից մայրենի մամուլը,
երբեք ձեռք վերցրած չէր մի
հայոց լրագիր, չէ հետաքրքրվել
խմանալ ինչ դպրոցներ կան հայե-
րի մէջ և ինչ է այդ դպրոցների
կարիքը....

Վարելի է հաւատացած լինել
որ ոչ մի հայ գրող, ոչ մի հայ
բանաստեղծ, ոչ մի հայ հեղինակ,
ոչ մի հայ մանկավարժ կամ
թարգմանիչ երբեք չեն համա-
ձայնվի ենթարկել Վամբարեանի

Ի Ե Ն Թ Ը

ԱՐԿԱՆԵՐ ԳԵՐՋԻՆ ՌՈՒՍ-ԹՈՐԻՔԱԿԱՆ
ՊԱՏԵՐԱՍՏՈՒՄ ՀԱՅԱՍՏԱՆՈՒՄ

Ժ.Գ.

Բայց ինչ հանելուկ էր այդ. Ստեփանիկը առաջ
տղայ, իսկ այժմ աղջիկ:

Պարզեք այդ հանելուկը: Բայց նրա բանալին
թաղված է մի փոքրիկ և տխուր պատմութեան
մէջ:

Սերունդի խաչօր տան բակի մի խուլ կողմում,
հովանաւորված չորս կողմանի ծառերով, գտան-
վում էր մի գերեզման: Ոչ խաչ, ոչ տապանաքար,
և ոչ մի տառ. անգամ չէր կար նրա վրա: Գա մի
փոքրիկ քառակուսի թուփ էր, ծեփած գածով, որ
փոքր ինչ բարձրացած էր գետնի մակերևոյթից:
Շատ անգամ, գիշերային լուսութեան պահին, կա-
րելի էր տեսնել ծերունուն, տարածված այդ ան-
շուք հողադամբարանի մօտ, թափում էր իր աչքե-
րից յորդ արտասուքներ: Տանցիկ նոյնպէս մի
առանձին տխրութեամբ էին անցկենում այդ գե-
նդին մօտից, որ, կարծես թէ, ամփոփում էր
իր մէջ ամբողջ գերդաստանի ուրախութիւնը: Ո՛ր
էր թաղված այնտեղ:

Սերունդի խաչօր ունէր մի աղջիկ Սոնայ անունով.
նա իր զէմքով շատ նման էր Ստեփանիկին: Երբ
Սոնան տասն և վեց տարեկան դարձաւ, ամեն
կողմից խնդրում էին նրա ձեռքը, ոչ միայն նրա
համար, որ Սոնան մի հարուստ ընտանիքի զաւակն
էր, այլ առաւել այն պատճառով, որ Սոնան շատ
սիրուն էր: Հայրը երկար տարուբերվում էր փե-
սանիկի ընտրութեան մէջ, չէր դիտէր որին տալ:
Բայց մի ցաւալի անցք վերջ տուց Սոնայի բախ-
տաւորութեանը: Միանգամ գնաց նա դպար բան-
ջար քաղելու, այլ ևս չէ վերադարձաւ: Շատ զրոյց-
ներ եղան նրա կորստեան մասին. ոմանք ասում
էին, թէ գետունը խեղդվել է. ոմանք ասում էին,
թէ գաղանները գիշատել են. ոմանք սասանաւորու-
թեամբ հաստատում էին, թէ չարքերը գողացել
են, և ոմանք ասում էին, թէ քրդերը յափտակել

են:—Ո՛րն էր ուղիղ, զօռար էր որոշել: Շատ ո-
րոնեցին, շատ այս կողմ այն կողմ ընկան, բայց
ոչինչ չօգնեց, և կորած աղջկայ մասին ոչինչ տե-
ղեկութիւն ստանալ չը կարողացան, թէ էն նրա հայ-
րը խտտացել էր լաւ վարձատրութիւն, ով որ մի
ճիշտ լուր էր բերէ:

Անցան մի քանի շաբաթներ:

Մի օր յայտնվեցաւ խաչօր տանը մի քուրդ, բե-
րելով իր հետ ջրու վրա բարձած մի դազադ:
Նրա մէջ գրած էր Սոնայի մարմինը:

Քրդի պատմութիւնից, երևաց, որ ամբախտ աղ-
ջկան դաշտից առևանգել էր մի քուրդ աղետա-
կան, որը թէ էն իր տոհմով այնքան երևելի չէր,
բայց իր ցեղի մէջ յայտնի էր, որպէս մի նշանա-
ւոր եղեռնագործ: Սոնան ուրիշ հնարք չը գտնե-
լով այդ առելի մարդու ձեռքից ազատելու հա-
մար, իր գլխի արախչինքի վրա կարած ոսկի դրամ-
ներով *) մի քանիսը տալիս է մի պառաւ քրդու-
հու, ինչդրելով իր համար թոյն գտնել: Քրդուհին
կառավարած ոսկիներից, կատարում է նրա խնդիրը:
Սոնան մեռնում է թոյնից: Քրդերը նրա մար-
մինը չեն ընդունում իրանց գերեզմանատան մէջ,
որովհետեւ հանգուցեալը մինչև իր վերջին շունչը
ասում էր. «ես քրիստոնեայ եմ. ես հաւատաւ չեմ
փոխի»: Մարմինը մնում է անթաղ: Այդ հանգա-
մանից օգուտ է քաղում մի քուրդ, և իմանալով
ու՛մ աղջիկն է նա, վեր է առնում նրա մարմինը
և բերում հօր տունը, յոյս ունենալով, որ մի բան
կը ստանայ:

Որոշումով մօլեռանդութեամբ վարվում է ան-
բախտի դիակի հետ և հայ եկեղեցականութիւնը:
Պատճառ բերելով, թէ նա ինքնապաշտ է եղել,
անօրէնի ձեռքումն է մեռել, չէ խոստովանվել,
չէ հաղորդվել և այլն,—եղբայրները թող չեն տա-
լիս նրան թաղել և հայոց գերեզմանատանում *),
Ահա այդ էր պատճառը, որ նրա գերեզմանը գտն-
վում էր հայրենական տան մէջ: Այն որ հալածեց
իր միջից եկեղեցին, ընդունեց իր մէջ ընտա-
նիկը....

*) Ապակերտի և առհասարակ տաճկական Հա-
յաստանի գիւղացի աղջիկների դուրսը ծածկված
է լինում մի տեսակ արախչիով, որ ամբողջապէս
զարգրած է գրամներով. հարուստներին ոսկով,
իսկ աղքատներին արծաթով:

*) Այդ մօլեռանդութիւնը ինձ պատահել է
տեսնել շատ տեղերում, գարմանալին այն է, որ
ամբողջ այս կէտի մէջ նոյնպէս համաձայնվում է
կղերի կարծիքին:

Ինքն ըստ ինքեան հասկանալի է, թէ այդ ան-
բախտութիւնը ինչ դառնութիւն կը բերէր խաչօր
գերդաստանի վրա: Բայց նա ունեցաւ և ուրիշ
ցաւալի հետեանքներ: Սոնայի մայրը, Ռեհանը,
Ստեփանիկի ծնողից յետոյ, չը կարողանալով
տանել իր դստեր այս օրինակ վախճանի դառն
կսկիւր, օրըստօրէ հաղկեցաւ, մաշկեցաւ և վերջա-
պէս մեռաւ: Եւ նոյն իսկ Ստեփանիկի վիճակի
վրա այդ անցքը ունեցաւ իր առանձին ազդեցու-
թիւնը: Ստեփանիկը իսկապէս աղջիկ էր, թէ էն
տղայի անունով և տղայի հարուստով պահված:
Նրա միտքութեան անունը լայալ էր: Բայց ինչ
նպատակով նրան այսպէս ծպտեալ կերպով էին մե-
ծացնում:

Սոնայի մահը մի այնպիսի ցաւալի տպաւորու-
թիւն թողեց հօր վրա, որ Ստեփանիկի ծնվելուց
յետոյ, նա մի առանձին անհաւատութեամբ նախա-
գուշակում էր նոյնպիսի մի վախճան և այդ աղ-
ջկայ համար: Նրա կապաժանքը անտեղի չէր, մա-
նեանց իր երկրի վերաբերութեամբ, ուր իր աչ-
քով տեսել էր հարկաւոր օրինակներ, ուր կոյս
աղջիկների յափշտակութիւնը մասնաւորապէս
համարաւ սովորական էր դարձել: Այդ պատ-
ճառով հայրը մտածեց Ստեփանիկին իրեն տղայ
ներկայացնել և տղայի անունով պահել, մինչև նրա
չափահաս լինելը: Հօր դիտաւորութեանը համաձայն
էր և թշուառ մայրը, որ շուտով վախճանվեցաւ,
և չը կարողացաւ անուցանել իր դաւակն: Խաչօր
ընտանիքի մէջ այդ զորոտւորը պահվում էր որպէս
գաղափար ամենալի խորհրդով: Ստեփանիկից
այդ գաղափարը գիտէին երեք հոգի միայն՝ գիւղի
քահանայ, կնքաւայրը և տատմըր, որ փազուց
մեռած էր:

Լայան—մենք այսուհետեւ երբեմն իր իսկական
անունով պէտք է կոչենք Ստեփանիկին—այժմ
տան և վեց տարեկան էր. մի հասակ, որի մէջ
մոտեցող յետոյ գիւղացի աղջկան երկար տանը
չեն պահում: Հայրը մտածում էր նրան մարդու
տալ: Բայց գոժտութիւնը նրանումն էր, որ լա-
ւան իրեն տղայ ճանաչված լինելով, ի հարկէ, ոչ
էր չէր խնդրելու նրա ձեռքը: Բացի դրանից, հա-
րը ցանկանում էր, որ իր փեսան մի օտար եր-
կրացի լինի, որ առե՛, տանէ և հետեանք իր աղ-
ջկան, որպէս զի իր երկրում, իր ծանօթների մէջ
չը յայտնվի հօր գործը դրած խորամանկութիւնը
Լայանի պահպանութեան մասին, թէ էն այդ երկրում
դա մի սովորական բան էր: Բայց որոտեղից պէտք

էր գտնել այդ պայմաններին յարմար մի մարդ լա-
լայի համար:

Հայրը աչք ունէր մի պարոնի վրա, որ իրան
կոչում էր Թոմաս Էֆէնդի,—մի չափաւոր, խա-
րկայ, կարճիկ, կրթիկ մարդ, որ բացի մարդից
ամեն բանի նման էր: Ո՛ր տեղացի էր նա, յայտնի
չէր. բայց իր ասելով, պոսեցի էր և այնտեղ ամի-
րայ աղգակներն ունէր: Լայանի եղբայրները սաս-
տիկ ատում էին այդ հրէշին, ոչ թէ այն պատ-
ճառով, որ նա չափազանց այլանդակ դէմք ունէր,
այլ առաւել նրա համար, որ սաստիկ ժանտ
անդուլթ մարդ էր: Նա բոլորովին իրան հետու էր
պահում հայ հասարակութիւնից, խոսում էր միշտ
թուրքերէն, և միշտ ընկած էր մօլդիների, գա-
մազաւների և քուրդ բէկերի մօտ: Նրանց անու-
նով գիւղացի հայերն սպառնալիքներ էր կարգում
և նրանց անունով պարծենում էր: Թոմաս Էֆէն-
դին արդունի մօտ թէ գիտէր, այսինքն արդունի
հարկերի և հատկութիւնների կապաւորու:

Մոլլէֆլիմը նոյն նշանակութիւնը ունի գիւ-
ղատու համար, որպէս հոգեհան հրեշտակը, զեւր,
սաստանայ մի սնանաւորի համար,—և որպէս այն
բաները, որոնցից դողում է, սարսափում է գիւ-
ղացին: Բայց ինչ բանից աւելի վախենում է գիւ-
ղացին, նրան աւելի էլ յարգում է: Եթէ սաստա-
նան յայտնվէր գիւղացիների մէջ, նրան այնքան
չէին ատի, կը սկսէին շողջարկել: Մարդը միշտ
այսպէս վարվել է և վարվում է: Մարդը իր
առավարութեան հաստատու բարի և չար ոգիների
համար կերպով էր պահվում, երկուսին էլ զոհ
էր մատուցանում: Չարմանալին այն է, որ չարը
համամատարար աւելի շատ զոհեր էր ընդու-
նում: զԲարին մեքն է, մտածում էր ռամիկը,
բայց չարին պէտք է գոհացնել, որ չարութիւն չը
գործէ....»

Այս գաղափարները ի նկատի առնելով,
կարելի է հեշտ բացատրել, թէ ինչու Թոմաս
Էֆէնդին ընդունված էր ծերունի խաչօր ընտա-
նիքի մէջ, որպէս այս տան պատուաւոր ծանօթ-
ներից մէկը: Տանուտէր խաչօն, որպէս ժողովու-
րից ընտրած գիւղի գլխաւորը, որպէս պաշտօ-
նական անձն, միշտ յարաբերութիւններ ունէր
կապաւորուի հետ, թէ տուրքերի, թէ հարկերի և
թէ գիւղացաց մակութիւնների տասնաորոգի պատ-
ճառով: Եւ այս առիթով Էֆէնդին երթեկու-
թիւն ունէր խաչօր տանը, զալիս էր, շատ անգամ
չարախնդրով մնում էր այնտեղ և հաւաքում էր

(Կը շարունակուի)